





山海關誌卷之六



秩祀誌

祭義載諸戴記聖人謹之古諸侯祭封內山祠至於  
學宮人材所自出此尤祭之大者壇壝祠廟併列常  
典而忠節實關風化非積誠敬均不足以格幽冥而  
示激勸也誌秩祀

山海

角山

海以上二祀明崇禎十三年關道范志完詳撫院朱  
國棟增祀今廢

增祀呈畧云為懇崇山川之祀以盡職守以保人



民事切炤本城名為山海者蓋以其面海枕山而取義者也且古來名山大澤其神必靈然而境內山川諸侯必祭不惟職分宜爾實為社稷封疆非諂媚也本道細考誌書從無議及者不幾為缺典乎今議將南海角山歲定春秋兩祀每祀祭品定以二兩五錢為率至期皆本道親往主祭所以敬其事也至於祭祀錢糧亦山海衛備用徭銀內動支分毫不派民間地畝其神享胙餘另載冊中如是則山川奠位各效其靈其於司地方者庶可少盡其職矣

文廟

至聖先師 明正統元年詔武衛建學嘉靖十年詔去像止用木主崇禎十三年關道范志完增

俎豆簋盥置樂器設樂舞生八人

四配

十哲

兩廡

啓聖祠

魁樓

文昌宮

名宦祠



鄉賢祠

附學制

先師廟

明建學初廟貌草創至正統十四年守備王整始飭材鼎建成化九年主事胡瓚增築殿基致前代名大成殿嘉靖十年始改今名隆慶六年主事任天祚重修萬曆二十四年主事張時顯重修二十七年遵化巡撫李順重修三十九年員外邵可立重修崇禎十三年山永巡撫朱國棟關道范志完重修  
國朝順治八年關道楊茂魁重修康熙三年教授韓國龍重修

東西兩廡

明天順六年指揮劉剛補構  
國朝康熙五年西廡壞通判陳天植重修

戟門

在文廟前明成化十一年主事吳志補構十三年主事蘇章繼葺

櫺星門

在戟門前明成化七年主事尚綱補構併置祭器若干

泮池

鹿

櫺星門內明成化十六年主事熊祿浚上甃石橋一隆慶六年主事任天祚改甃三橋制益宏

名宦祠

在戟門左

鄉賢祠

在戟門右

啓聖公祠

前代無明嘉靖十年肇建萬曆二十四年主事張時顯重修

神厨

舊在戟門右旁更衣亭  
舊在戟門左旁後俱廢

明倫堂

舊在聖殿後都指揮王整肇建主事熊祿重修崇禎七年巡撫楊嗣昌改建廟西舊射

國廢地大門二門較昔規模更為宏敞

東西兩齋

舊號舍各三間原名文成武備後改崇德廣業亦王整建主事尚縉重修今廢

尊經閣

即舊明倫堂明巡撫朱國棟闢道范志完改建核各學諸生之俊者讀書其中今廢



敬一亭 舊在啓聖祠前巡撫朱國棟開道范志完改

魁星樓 明萬曆三十二年通判楊生輝重修

文昌宮 明萬曆十二年兵部主事王邦俊建三十二年

學官廨 在本學大門左魁星樓後原為生儒號舍俱

署領地遠改此為公廨 而號舍迄今不復云

射圃 內有亭在啓聖祠右隙明成化十九年主事尚

學田 明主事葛守禮巡撫李順主事張時顯教授王

縣稅後俱各歸 縣稅後俱各歸 縣稅後俱各歸

廩田 關初為關東瞭望地居民私墾無賦後中官守

官為廩餼時諸生優等 景夔諭衛學乏廩稽地歸

馬駁績墾廩餼增至八斗嘉靖十三年主事葛守

禮復籍墾近郭閑田廩生直增一石萬曆三年主

事裴賜悉加丈量共徵米二百一十一石九斗六

升五合零以後增減互異至二十四年主事張時

顯各將任內舊管新收開除實在米數清算造冊

以便稽查此係關部支給廩生學院按院不入察

盤至 國朝裁關部此田歸關內道及裁關內道歸未平道

鄉飲田 主事葛守禮置祀田主事王應期置 以上二田後

不給並收二租以充廩餼通謂學糧今俱在報部

社學 舊學基在城東南隅明弘治間主事徐朴毀淫

祠為之之後萬曆十五年主事張棟一置城西門

內廊房一置東關門外待拆廳令士之有行者施

教貧童每名月各給穀一石俱在關部支領二十

二年主事張時顯定為歲 額并懸社學二扁今俱廢



社稷壇 在西羅城北門外三清觀東

風雲雷雨壇 在西羅城南門外

八蜡壇 在社稷壇西

厲壇 在鎮城北門外地藏寺前

以上丁祭管關廳主之戊祭山海衛主之霜降祭  
旗則山海路主之

### 廟宇

城隍廟

在城西北隅明洪武十六年建萬曆十七年重修崇禎九年巡撫楊嗣昌重修 國朝康熙元年守備王御春重修

海神廟

在南海海口西明初通海運時所建萬曆十二年主事王邦俊重修○前朝嘉靖四十三年

甲子春蒙古萬騎屯關東海口欲渡俄然冰解相顧失色適去事聞天子嘉海神之功特遣官報祀御制祭文云朕惟皇天保定家邦必命百神受職赫著靈竒以昭示非常之徵應頃者強敵匪茹窺伺邊關神祇奉帝勅之預戒蟄候未臨堅冰忽泮彼衆失途而退遯邊圉爰賴以載寧是用遣官祭告惟神歆答益濬天險永翊萬載金湯於孔固謹告

龍王廟

一在西羅城橋南一在西關廂一在南海倉城

旗纛廟

在舊衛治東久廢

馬神廟

一在演武場東一在遷安驛門東

火星廟

在管關廳東 國朝順治二年通判朱伸鐸重修康熙七年通判陳天植重修詳見碑記

關帝廟

一在東羅城一在演武場西一在舊羅城一在東甕城一在

不可勝載惟石門寨西北二十里許有傍水崖明隆慶元年總兵張臣與蒙古戰獲神默祐立廟



崇祀制度宏敞規模壯麗為東藩勝地云

按神廟末俗多不經茲所載如城隍火神寰宇通祀者也旗纛馬神切於戎衛海神龍王濱海地宜之至漢壯繆侯之祀與太伯伍負何以異不經免矣 舊誌

附錄諸廟

玉皇廟 在西關廂

三官廟 一在城東南一在西關一在東羅城

東嶽廟 在東羅城

泰山行祠 在西羅城

北鎮廟 北關外祀真武明初建 國朝康熙六年恭領朱廷縉重修

五聖祠 一在西羅城外一在東羅城外迤南二里許一在西羅城外西北二里許

增福廟 在南甕城

藥王廟 在北甕城

虫王廟 在西南水門外

小聖廟 在南海口

以上祠廟非土之所宜祀涉於諛且僭故附見於此 舊誌 ○舊誌附寺庵後今移附此以便類觀

元按張公舊誌之言所以防人諛僭之心也詩云神之格思不可度思矧可敦思語云敬鬼神而遠



之凡入廟者固不可萌諂僭之心亦不可不加敬  
謹之意

### 忠節

**顯功廟**

在儒學後明景泰甲戌奉旨為徐中山武寧  
王建詳見碑記 國朝順治十三年城守叅

領李國  
柄重修

**勸義祠**

在西關外為明叅將張世忠建今廢

**忠愛流芳祠**

在西甕城內係鄉民立尸祝歷任關門  
之庶能著聞者今廢

**來公祠**

在西關外為明兵部主事來公儼然立詳見  
名宦後廢僅存木像今改建龍王廟後

**陳公祠**

在東甕城關帝廟東為明兵部主事陳公祖  
苞建詳見名宦

**貞女祠**

在東關外八里舖望夫石之顛明萬曆二十  
二年主事安肅張棟建二十四年南城張時

顯增建崇禎十三年關道虞城范志完重修置龕  
以本鄉之列女共十九人附祭

呈畧云為追揚忠節之祀并享孝烈之魂以勵人

心以維世風事切炤人心不古世俗日偷忠孝之

士杳然節烈之名絕響實緣司地方者不能激勸

以勵人表揚以風世是以未之有聞也今本道察

得山海一鎮有太傅廟係我朝開國元勳武寧王

之祀世廟時有忠愍祠乃本城忠臣張公之祀業

各有欽典祠祭血食多年然太傅廟春秋二祀每

季向定銀二兩殊為不足今議二季增銀一兩共



銀五兩張公祠每季向定銀一兩即折給其子孫亦非誠敬之意今每季俱定二兩五錢歲共銀五兩以上二祠并祭角山南海之胙肉內除猪一口炤舊例給張公子孫外餘胙悉分給山海鎮下各協營等官以為用命者勸如以孝行著聞者有張懋勲蕭韶鳳傳夢良三人雖載誌書未經題請俟本道詳明配入鄉賢又有已故孝行生員穆思文已經題請造坊先應入祀者也至於東關外有貞女祠傳稱秦時有姜女尋夫哭死海濱英魂化石後世嘉其貞烈是以立祠祭之但今世代已久祀

典竟湮然而勝跡猶存凡婦女聞之每多義起亦宜追崇其祀今本道已令脩葺祠宇復欲置龕兩傍察有本鄉列女黃烈女趙烈女張烈女節婦郭氏田氏郭氏蕭氏林氏郭氏倪氏張氏韓氏王氏劉氏王氏林氏羅氏郭氏范氏共十九人俱安設牌位使與春秋二祭其祭品諸費每季亦以二兩五錢為率胙餘即分給貞烈之後并見在守節魯氏周氏等家其各祠致祭錢糧亦動支經歷司備用徑銀二項俱不科派民間庶幾此義一倡人心知奮而頽風靡俗立可挽回云云



元按忠孝節義人世綱維彞倫攸叙萬古為昭知  
不以隔代而有異也昔人著之祀典以示激勸後  
之司風化者倘能做其意而行之其於世道人心  
裨益豈淺鮮哉

山海關誌卷之六終

山海關誌卷之七

選舉誌

周禮大司徒以鄉三物教萬民而賓興之故設為鄉  
學國學自選士造士以及進士皆山川靈秀所鍾而  
一代治安所係蓋綦重哉至於文武並進如左右手  
是尤未可偏廢也誌選舉

進士

明

鄭已成化丙戌科會試第十一名登羅倫榜二甲  
進士選翰林院庶吉士改貴州道監察御史

詳見  
鄉賢



蕭顯 成化壬辰科會試第一百九十三名登吳寬榜二甲進士授兵科給事中歷任福建按察

司僉事進階朝列大夫詳見鄉賢

崔錦 成化甲辰科會試第一百四十五名登李昊榜三甲進士

萬義 嘉靖癸未科會試第二百二十八名登姚涑榜三甲進士

詹榮 嘉靖丙戌科會試第一百九十三名登龔用卿榜二甲進士授戶部主事累官兵部左侍

郎進從一品俸以孫廷奏請贈工部尚書祭葬如例詳見鄉賢

穆寧中 嘉靖癸丑科會試第二百二十七名登陳謹榜三甲進士授陝西三原縣知縣陞戶部主

事

馮時泰 萬曆庚辰科會試第二百二十九名登張懋修榜二甲進士授工部主事陞遼東廣寧兵

備參議詳見鄉賢

劉廷宣 萬曆癸丑科會試第二百十七名登周延儒榜三甲進士授河南儀封縣知縣行取浙江

道監察御史巡按陝西歷任大理寺左少卿詳見鄉賢

國朝

余一元 順治丁亥科會試第十四名登呂宮榜二甲進士授刑部江南司主事調禮部主客司主

事陞本部祠祭司員外郎歷任儀制司郎中加從四品

穆爾謨 順治丁亥科會試第二百七十五名登呂宮榜三甲進士授江南贛榆縣知縣陞禮部儀

制司員外郎陞精膳司郎中歷任山東萊州府知府

程觀頤 順治戊戌科會試第三十七名登孫承恩榜三甲進士授直隸天津衛儒學教授陞山東

淄川縣知縣



舉人

明

蕭顯 天順三年鄉試第二名見進士

鄭已 天順六年鄉試第八名見進士

曹韜 成化十年鄉試第九名任山西應州學正

崔錦 成化十九年鄉試第九名見進士

田躍 御史鄭已之子復姓田弘治十四年鄉試第  
四十五名任山東金鄉縣知縣

李伯潤 正德八年鄉試第一百十七名任浙江永康  
縣知縣調本省太平縣知縣改補河南懷慶

府學教授

萬義 嘉靖元年鄉試第四十五名見進士



詹榮

嘉靖四年鄉試第三十四名見進士

譚坊

嘉靖二十五年鄉試第五十七名

穆寧中

嘉靖二十八年鄉試第八十四名府軍前衛人山海衛籍見進士

劉復禮

贈奉政大夫照磨汝禎子嘉靖三十一年鄉試第五十一名任山西長子縣知縣陸本省

蕭大謙

憲顯之孫嘉靖三十一年鄉試第一百十七名任山西懷仁縣知縣改陝西秦安縣知

譚訥

坊之子隆慶四年鄉試第一百十三名任陝西中部縣知縣

張重立

縣丞文選孫萬曆元年鄉試第十二名

馮時泰

萬曆元年鄉試第二十二名見進士

劉思誠

教諭俊之孫萬曆元年鄉試第一百十九名署順天府學訓導陞山東平原縣知縣歷任

劉廷宣

贈大理寺左少卿詳見鄉賢

呂鳴夏

訓導大成子萬曆四十四年鄉試第四十三名授直隸清豐縣教諭補東鹿縣教諭陞真

劉廷徵

贈大理寺左少卿思誠子萬曆四十四年鄉試第七十九名任陝西洛南縣知縣

穆爾鵬

訓導齊正子崇禎三年鄉試第八十名

余一元

贈禮部郎中崇貴子崇禎十二年鄉試第一百十八名見進士

國朝

定府同知駐劄宣府功陞河南衛輝府知府歷任陝西固原道兵備副使贈光祿寺卿詳見鄉賢

國朝

濟南府同知贈大理寺左少卿詳見鄉賢

國朝

陝西固原道兵備副使贈光祿寺卿詳見鄉賢

國朝

陝西固原道兵備副使贈光祿寺卿詳見鄉賢

國朝

陝西固原道兵備副使贈光祿寺卿詳見鄉賢

國朝

陝西固原道兵備副使贈光祿寺卿詳見鄉賢

國朝

陝西固原道兵備副使贈光祿寺卿詳見鄉賢



穆維乾 無為州同知爾鶚子順治二年鄉試第六十  
八名授直隸滑縣教諭陞大寧都司教授改

保定左衛教授

沈所端 教授琇之孫順治二年鄉試第一百五十五  
名會試副榜

穆爾謨 封禮部郎中齊英子順治三年鄉試第一百  
二十三名見進士

崔聯芳 順治三年鄉試第一百三十一名

程觀頤 尚寶司卿繼賢子順治八年鄉試第四十九  
名見進士

譚從簡 坊之曾孫訥之姪孫順治十一年鄉試第二  
百四十五名會試副榜授直隸故城縣教諭

陞山西靈丘縣知縣補河曲縣知縣

恩選歲貢

明

曹廣 應成化三年貢

王鐸 應成化五年貢任南直廬州府檢校

劉銘 應成化七年貢

蘇豫 應成化九年貢任陝西同州判官

趙仁 應成化十一年貢任山東博平縣主簿

李春 應成化十三年貢任山東鄒平縣主簿

張寧 應成化十五年貢任河南磁州學訓導

劉鑑 應成化十七年貢任鴻臚寺序班



戴剛 應成化十九年貢任山東黃縣主簿

蔣英 應成化二十一年貢

張鉉 應成化二十三年貢任陝西朝邑縣縣丞

李琛 應弘治二年貢任山東沂州衛經歷

房綰 應弘治四年貢任江西分宜縣主簿

李敬 應弘治六年貢任雲南貴州衛知事

陳策 應弘治八年貢任山東莒州學訓導

趙緯 應弘治九年貢

侯榮 應弘治十年貢任山西行太僕寺主簿

楊聰 應弘治十一年貢任德府典寶副

蕭鳴鳳 僉憲顯之子 應弘治十二年貢

王道亨 應弘治十四年貢任山東登州府學訓導

張禮 應弘治十六年貢任南直靖江縣主簿

張謙 應弘治十八年貢任山東新城縣縣丞

何清 應正德二年貢

陶恕 應正德四年貢任南直碭山縣縣丞 改四川開縣縣丞

王相 應正德六年貢任旗手衛經歷

趙聰 應正德八年貢任山東臨清州學訓導

王偉 應正德九年貢

李錦 應正德十一年貢任陝西莊浪縣知縣



馬應奎 應正德十二年貢

李秉玉 應正德十三年貢任山東沂州同知

路通 應正德十四年貢任三萬衛教授

蕭大觀 僉憲顯之孫 應正德十六年貢任山東商河縣縣丞

白九經 應嘉靖元年貢

毛傳 應嘉靖三年貢任瀋陽中衛訓導 陞山東濰縣學教諭

劉俊 應嘉靖四年貢任河南安陽縣學訓導 陞直隸新樂縣學教諭

沈淵 應嘉靖六年貢任山東平度州同知

田鷹 知縣 羅之子 應嘉靖八年貢任靜寧州判官

高寧 應嘉靖十年貢任浙江秀水縣縣丞

蕭瑞鳳 僉憲顯之子 應嘉靖十二年貢任湖廣襄陽府推官 陞山西大同府通判

劉汝禎 序班 鑑之子 應嘉靖十二年貢任南直廬州府照磨 贈奉政大夫

郭大倫 應嘉靖十三年貢任遼東都司學訓導 陞山東博興縣學教諭

曹鉞 廣之孫 應嘉靖十五年貢任東城兵馬司副指揮

林錦 應嘉靖十七年貢任南直長洲縣縣丞

孫鸞 應嘉靖十八年貢任廣寧衛訓導 陞四川褒城縣學教諭

辛三畏 應嘉靖十九年貢任陝西西寧衛教授 陞山東文登縣知縣

高肅 應嘉靖二十一年貢任山東鉅野縣主簿 改河南臨漳縣主簿

崔弘沛 進士 錦之姪 應嘉靖二十二年貢任山東平度州判官 陞山西石樓縣知縣

劉棟 知縣 李錦之子 改姓劉 應嘉靖二十三年貢任海州衛學訓導



李承恩 應嘉靖二十四年貢歷任山西廣昌縣教諭

魯孟春 應嘉靖二十六年貢

曹蕙 鉞之子應嘉靖三十二年貢

蕭道遠 金憲顯之姪孫應嘉靖三十四年貢任山西澤州學訓導陞山東武城縣學教諭

張德立 應嘉靖三十六年貢任山東樂陵縣知縣

馮瀛 應嘉靖三十八年貢任山東平原縣縣丞

張思聰 主簿禮之孫應嘉靖四十年貢任山東東阿縣訓導陞河南洧川縣學教諭

毛恕 應嘉靖四十二年貢任遼東金州衛學訓導陞鐵嶺衛學教授

何秉元 應嘉靖四十四年貢任遼海衛學訓導

辛涵 知縣三畏子應隆慶元年貢任山東壽張縣學訓導陞山西山陰縣知縣

譚詩 應隆慶元年恩貢任山西太原縣知縣改山東高唐州學正歷三氏子孫學教授開平衛

教授陞晉府紀善

曹芹 兵馬鉞之子應隆慶三年貢任直隸永寧縣學訓導陞山東齊東縣學教諭

李東昇 應隆慶五年貢任直隸交河縣學訓導陞河間縣學教諭

趙鶚 應萬曆元年恩貢歷任山東成山衛教授

魯應芳 應萬曆元年貢歷任南直定遠縣教諭

郝宗元 應萬曆三年貢歷任遼東錦州衛經歷

于思敬 應萬曆五年貢

王之藩 應萬曆七年貢任山西興縣知縣

王從政 應萬曆九年貢任山東萊陽縣知縣多善政被誣萊民辨之其子以死疏救得白居鄉稱



孝與鄉飲大賓

蕭大咸 通判瑞鳳子應萬曆十一年貢

侯汝敬 主簿榮之孫應萬曆十三年貢任直隸懷來衛學訓導

張問明 應萬曆十五年貢任直隸雄縣學訓導

田汝耕 判官鷹之子應萬曆十七年貢任遼東前屯衛學訓導

何景奎 遼海衛籍山海人應萬曆十八年貢任遼東定遼右衛學訓導

于思明 應萬曆十九年貢歷任直隸永清縣教諭讓兄產見重鄉評

劉熙載 應萬曆二十一年貢歷任四川崇寧縣知縣和易近人尤精六壬決事如指掌上基隆禮之

袁欽 應萬曆二十三年貢任順天遵化縣學教諭

沈琇 應萬曆二十五年貢歷任直隸廣平府學教授恬淡雅逸與世無競

劉慄 應萬曆二十七年貢歷任河南宜陽縣學教諭存心醇正操行梗直

王嘉賓 房山縣學教諭經歷相之子應萬曆二十九年貢歷任順天房山縣學教諭

鄒大珍 應萬曆二十九年恩貢任直隸興濟縣學教諭

程正 應萬曆三十一年貢任南直合肥縣學訓導

沈國兆 應萬曆三十四年貢任山東堂邑縣學訓導

劉思明 贈知縣光大子應萬曆三十六年貢

辛濬 知縣三畏姪應萬曆三十八年貢任順天香河縣訓導山東維縣教諭陝西寧夏衛教授

何志重 應萬曆四十年貢歷任直隸曲周縣學教諭

房自新 應萬曆四十二年貢任順天府學訓導稟性冲和精於行書士多寶愛之



呂大成 應萬曆四十四年貢任直隸深州訓導天質端重敦於孝友積學善訓門墻多成材之士

呂際可 應萬曆四十五年貢歷任陝西兩當縣知縣巡街鞠勞告終撫臺發銀營葬

蔡茂暘 應萬曆四十六年貢任直隸吳橋縣學教諭

田大登 訓導汝耔子應萬曆四十七年貢

郭廉遠 應泰昌元年恩貢任江西南昌府通判

劉廷召 同知思誠子應天啓元年府學選貢

呂鳴章 應天啓元年恩選貢初任河南許州判官陞京衛經歷未任丁憂嗣隨平西王起義剿賊

措餉錄功陞戶部山東司員外郎轉本部福建司郎中歷任陝西分守關西道右叅議

劉克勤 應天啓元年貢任順天豐潤縣學訓導

呂世臣 應天啓四年貢歷任直隸天津衛學教授

穆齊方 主簿思恭子應天啓六年貢任直隸栢鄉縣學訓導行誼克端操持不苟

張翹 應天啓七年貢任河南衛輝府學訓導

何天祚 應天啓七年副榜貢

劉廷講 應崇禎元年府學選貢任河南武安縣主簿

楊呈芳 應崇禎元年恩貢任河南魯山縣知縣贈汝州知州見忠臣

穆齊正 主簿思恭子應崇禎三年貢任直隸獻縣學訓導為人伉儷有氣節

劉克肅 教諭樸之子應崇禎五年貢任順天涿州學訓導曾中己酉科副榜純功邃養設教有年

榆關知名之士多出其門

何天寵 應崇禎七年貢歷任河南獲嘉縣知縣

藥東龍 應崇禎九年貢歷任山西平陽府同知

山海關志 卷之七



劉應禎 應崇禎十一年貢任山東茌平縣學訓導

劉延齡 贈奉政大夫汝禎孫少卿復禮姪應崇禎十三年貢歷任直隸順德府學教授

張朝棟 應崇禎十五年貢歷任山東濮州學正

毛應坤 應崇禎十七年貢任山東東昌府通判

國朝

鄭允升 應順治二年恩貢歷任湖廣善化縣知縣

趙鉞 應順治二年貢歷任陝西鞏昌府通判

潘鳳翼 應順治二年副榜貢任陝西寧遠縣知縣

辛調羨 知縣涵之孫應順治四年貢歷任潼關衛學教授

藥正馥 同知東龍子應順治六年貢見任直隸趙州學正

穆爾鶚 訓導齊正子應順治八年恩貢任江南無為州同知

馮九光 兵備時泰孫應順治八年貢任直隸棗強縣學訓導

呂燦如 參議鳴章子應順治十年貢任湖廣黃陂縣知縣結納友朋課稅講學以斯文自任

程體乾 應順治十二年貢

李集鳳 應順治十二年恩拔貢

趙于陞 應順治十四年貢

辛桂芬 教諭濬之子應順治十六年貢

郭重光 奉天籍山海人應順治十六年遼學貢見任雲南騰越州判官

沈所元 教授瑋之孫應順治十八年恩貢

呂憲周 知縣際可子應順治十八年貢



穆爾洪 訓導齊正子應康熙二年貢

穆爾琰 訓導齊方子應康熙八年貢

庠生功例貢監

明

鄭文楫 由廩生嘉靖三十年例貢

高儒 由廩生嘉靖三十年例貢

穆思恭 由附生嘉靖四十三年例貢授山西河津縣主簿致仕回籍耕讀為業敦請鄉飲大賓

馬應瑞 由候廩生天啓七年准貢任遼東前屯衛學訓導

詹世烈 工部尚書榮之魯孫知府廷之子由增生崇禎元年例貢任河南禹州判官

郭仲金 由候廩生崇禎八年准貢歷任湖廣安陸府同知

國朝

馮祥聘 兵備時泰姪由廩生順治元年錄功授山東齊河縣知縣陞湖廣長沙府同知事孀母曲



承養志教門徒善誘成材文事而兼武備參贊宣  
勞學優而登仕途循良著績齊河縣建有專祠  
劉克望 授汾州知府慎之子由增生順治元年錄功  
君卿丕振家聲出任撫安  
百姓馬邑縣見入名宦

高選 由廩生順治元年錄功授山西交城縣知縣  
民懷其惠 陞江西廣信府同知英敏有治材敷政交邑

曹時敏 由廩生順治元年錄功授山西鄉寧縣知縣  
藻鑑 起人 改補江南靈璧縣知縣長材卓識知人取友

穆齊英 由增生恩例吏部題授訓導順治元年錄功  
授河南商城縣丞見封贈  
馬維熙 訓導應瑞子由廩生拔貢順治三年錄功授  
山西忻州同知贈本州知州見忠臣

劉克孔 贈汾州知府慎之子由增生拔貢順治三年  
錄功授山東平度州同知陞浙江温州府通  
判江南六安州知州山西潞安府同知見任汾州  
府知府加一級

朱時顯 由庠生入監順治三年錄功授直隸開州同  
知  
程啓運 兵馬信古子由庠生錄功授江南常州府推  
官補山東平陰縣知縣陞河南磁州知州

孟曰吉 由附生順治四年入監授陝西興安州判官  
楊可楹 由庠生入監錄功授江西吉安府知府

張瑞揚 由增生錄功任雲南賓川州知州陞山西太  
原府同知  
李棲鳳 由增生錄功任貴州思州府經歷

穆嘉楨 訓導齊方姪由庠生錄功任江南鳳陽縣縣  
丞陞四川建昌衛經歷  
辛宗堯 由庠生錄功歷任江西長寧縣知縣

穆維澤 由庠生改吏任江南宿州睢陽驛驛丞



劉芳額 知府克孔姪由庠生康熙六年以貢入監候選州同知

趙雲翰 由庠生康熙七年入監

高齊恒 由庠生康熙七年入監

趙三元 由庠生康熙七年入監

穆維濬 舉人廷選弟由庠生康熙七年入監

傅綸忠 副總兵尚謙子由庠生康熙七年入監

穆維度 知府爾謨子由庠生康熙七年入監

例貢監

明

蕭大臨 正德三年例貢任雲南順州吏目

張文選 正德三年例貢任山東嶧縣縣丞

張德祿 正德三年例貢歷任山西懷仁縣知縣

藥表 正德三年例貢

王鶴 正德三年例貢任河南汝陽縣主簿改山東金鄉縣主簿

王鷺 正德三年例貢

李鎔 嘉靖十五年例貢

牛希哲 嘉靖十五年例貢任山西壽陽縣主簿



藥大中 嘉靖十五年例貢任南直無為州吏目

倪綸 嘉靖十五年例貢任陝西寧州吏目

王纓 嘉靖十五年例貢任南直邳州吏目

王廷輔 嘉靖十五年例貢

王廷佐 嘉靖十五年例貢

李鑄 嘉靖十五年例貢任山西太原縣主簿

王守正 嘉靖十五年例貢

王表正 嘉靖十五年例貢任南直廬州府知事

劉楹 嘉靖十五年例貢奉例加納署指揮僉事任  
三屯營千總

郭世儂 嘉靖二十七年例貢任南直邳州吏目

郭東都 嘉靖三十年例貢奉例加納署指揮僉事任  
界嶺口提調

穆銳 嘉靖三十年例貢

蕭大恒 嘉靖三十年例貢任湖廣黃州府經歷改山  
東東昌府經歷

王大賓 嘉靖三十年例貢任陝西岷州衛經歷

藥養禮 嘉靖三十年例貢

藥養禮 嘉靖三十年例貢任山東益都縣主簿

張義資 嘉靖三十年例貢

倪從政 嘉靖四十二年例貢任陝西涇州吏目

穆思敬 隆慶元年例貢任南直臨淮縣縣丞誅草寇  
滅土豪子庶民肅地方上臺屢有獎薦

郭東沂 隆慶元年例貢

山海關志 卷之七



郭東淵 萬曆十七年例貢任山東濟寧州吏目陞王  
府典簿

蕭被遠 萬曆十八年例貢

程繼賢 萬曆二十一年例貢由中書歷任工部都水  
司員外郎加尚寶司卿詳見鄉賢

王聘 萬曆二十一年例貢

程繼伊 萬曆二十四年例貢授京衛經歷

程信古 萬曆二十五年例貢任南京副兵馬

劉九儀 萬曆三十年例貢

程法古 萬曆三十年例貢

王文華 萬曆三十年例貢授東平州吏目

徐時中 崇禎四年例貢授山東沂州吏目

國朝

程印古 經歷繼伊子例貢加鴻臚寺序班順治元年  
錄功任寧海州同知陞山西布政司理問

劉芳頤 知縣克望子康熙七年例貢

劉芳穎 知縣克望次子康熙七年例貢

劉天爵 知州芳穎子康熙七年例貢



人材

國朝

房星煌

山海人滿洲籍任福建漳州府知府

房星煥

山海人滿洲籍任山東武德道

董奎武

山海人以功歷任廣西蒼梧道右叅政

馮允陸

兵備時泰孫滿洲籍任江南安慶府通判

柯末遠

山海人滿洲籍任山東益都縣知縣陸兵科給事中

武進士

明

張世忠

本衛鎮撫中嘉靖丙戌科歷任偏頭關叅將詳見忠臣

常潤

本衛中前所人中嘉靖丙戌科陸本所正下戶

熊文濟

本衛籍江西人中萬曆丙戌科歷官遊擊將軍

王養賢

本衛指揮應襲中萬曆己丑科任將軍石提調陸鎮守中軍建昌遊擊

國朝

張武揚

宣鎮籍本衛人中順治己丑科歷任湖廣荊州衛都司僉書管守備事

穆廷樑

京衛籍本衛人中順治辛丑科

穆廷棧

舉人廷選弟中康熙丁未科



武舉

明

張世忠

見進士

譚璋

中嘉靖丙午科

呂鏜

本衛指揮僉事 中嘉靖丙午科

常潤

見進士

熊文濟

見進士

王養賢

見進士

任國琦

中天啓丁卯科 歷任副總兵 管督師 軍門中

馬中驥

中崇禎丙子 已卯 兩科 歷任都司 僉書 管山

西平陽道標中軍事



國朝

賁鵬程 中順治戊子科歷任浙江都司僉書

張武揚 見進士

王奮威 中順治丁酉科

穆廷樑 見進士

穆廷棧 見進士

張啓元 中康熙丙午科

穆爾訓 封禮部郎中齊英子京衛籍中康熙己酉科

張朝臣 都司武揚子中康熙己酉科

傅締忠 副總兵尚謙子中康熙己酉科

郭廷弼 河間籍本衛人中康熙己酉科



將選

明

劉江 總旗歷任中軍都督府左都督鎮守遼東封廣寧伯詳見御賢

李洪 指揮舉將材歷任燕河營參將

劉淵 剛之孫指揮舉將材歷任後軍都督府都督

薊州總兵

趙卿 山東濟寧指揮調山海衛舉將材歷任後軍

祝雄 都督府都督僉事掛鎮朔將軍印鎮守宣府

同改薊州總兵官代劉淵善養士樂為用蒙古入塞率子男為士卒先子少却立斬以殉彼兵望旗即遁名聞書御屏廉靜自持卒于官私囊僅足以歛薊為立祠祀之

唐大節 指揮同知舉將材歷任建昌營遊擊

石美中 指揮同知舉將材任天壽山守備

徐瓚 指揮使舉將材任遼東義州衛備禦

涂永貴 指揮同知舉將材歷任山海衛守備改薊州衛守備

祝福 指揮僉事總兵雄之子舉將材歷任前軍都督府署都督僉事鎮守昌平改保定總兵官

張懋勳 參將世忠子舉將材歷任神樞營遊擊

徐枝 指揮僉事舉將材歷任右軍都督府都督僉事石塘嶺副總兵官

任鶴年 指揮僉事舉將材任三河守備

施國藩 指揮同知功陞指揮使任青山口提調

張四維 指揮使舉將材任桃林口提調



趙大綱 指揮僉事舉將材任青山口提調

呂納 指揮使舉將材任洪山口提調

王杰 指揮同知舉將材歷任擦崖提調

徐國楨 指揮使舉將材任白馬關守備

趙文明 指揮使掌衛印歷任寧山叅將

趙勛 燕山衛武舉百戶調山海衛歷陞五軍營叅將

張効良 指揮使舉將材任羅文峪提調改將軍石提調

傅國忠 指揮僉事舉將材歷任一片石提調

李遼陽 指揮同知舉將材任桃林口守備

張繼祖 遊擊懋勛子舉將材任義院口守備

李天培 指揮使舉將材任桃林口守備

任重 守備鶴年子舉將材任墻子嶺提調

傅崇德 指揮僉事舉將材任青山口守備

於承芳 指揮使舉將材任大安口提調

邢萬民 薊州衛千戶調本衛任馬蘭峪副總兵

呂鳴咸 本衛指揮歷任後軍都督府都督僉事南都副總兵官恪遵父命承兄讓職為將肅卒伍

戒侵掠援京戰薊累建殊功生平無二色軍中獲難婦務全其操尤具偉丈夫之概

孫思堅 本衛千戶歷任大寧都司

朱尚義 本衛人歷任陽和副總兵陞榆林總兵

戴天寵 本衛指揮任黃土嶺守備



郭東光

本衛指揮歷任開平打造局都司

孟錫璘

本衛千戶任董家口提調功陞都司僉書

施兆麟

本衛指揮掌衛印陞任陸運營都司

林應坤

本衛指揮任鐵廠堡守備

趙應元

本衛千戶歷任北部副總兵

李鳴崗

本衛都指揮任鎮標右營都司

傅國珍

本衛百戶任花桑峪都司

孫承業

都司思堅子歷任建昌路參將

穆朝臣

本衛人歷任經理鎮標副總兵

徐應第

本衛人任軍門標下署指揮同知旗鼓守備

徐可用

本衛指揮掌衛印任鎮標副中軍

杜繩武

本衛副千戶歷陞遵化營副總兵

張文善

本衛人舉將材歷任老營堡參將

孫思吳

本衛千戶任中後所城守遊擊

國朝

傅尚謙

本衛人舉將材歷任江南壽春營副總兵

詹世勳

本衛籍以功歷任江南副總兵

趙世新

本衛指揮任陝西高溝堡守備

趙世泰

副總兵應元子歷任河南鎮標參將率兵勦寇戰沒於軍

秦國榮

本衛籍歷任山海路都司陞金華府右營遊擊



苗有年 本衛籍任山西保德營守備

魯士科 本衛籍任福建建寧道中軍守備

周永祚 本衛籍任浙江衢州營守備

何萬邦 本衛指揮歷任浙江水師營都司

郭重顯 本衛籍見任開封府城守營中軍守備

孫遇吉 本衛籍見任江南蘇松鎮標左營中軍都司

白尚信 本衛籍任密雲督標前營守備管中軍事今

涂鵬臣 本衛籍見任浙江左營守備管千總事

陳應魁 本衛籍任直隸提督標下守備管千總事

任嘉勳 本衛籍見任山西平陽府城守營守備管千

封贈

明

蕭福海 顯之父贈徵仕郎兵科給事中

詹玉 榮之祖贈通議大夫都察院右副都御史

詹通 榮之父封承德郎戶部廣東清吏司主事贈

劉剛 淵之祖贈驃騎將軍後軍都督府都督僉事

劉鎮 淵之父贈驃騎將軍後軍都督府都督僉事

王榮 相之父贈徵仕郎旗手衛經歷

劉汝禎 復禮父贈奉政大夫工部虞衡清吏司郎中

馮琦 時泰父贈承德郎工部屯田清吏司主事



劉光大 思誠父贈文林郎山東平原縣知縣

劉思誠 廷宣父贈大理寺左少卿

程炬 繼賢父贈奉直大夫工部都水清吏司員外郎

國朝

余崇貴 一元父贈朝議大夫禮部儀制清吏司郎中加從四品

穆齊英 爾謨父封奉政大夫禮部精膳清吏司郎中

劉慎 克孔父贈中憲大夫山西汾州府知府加一級

恩廕

明

詹于遠 侍郎榮之子嘉靖二十八年以三品俸考滿

詹廷 于遠子萬曆三十一年以父足疾移廕入監歷任雲南廣南府知府詳見鄉賢

國朝

呂焯如 衛輝府知府鳴夏子順治二年官監任江南高郵州判

呂煥如 戶部郎中鳴章姪順治二年官監

毛鳳儀 通判應坤子順治二年官監任陝西階州同知

劉芳顯 知縣克望姪順治二年官監歷任河南鄭州知州補陝州知州

高進 知縣選之弟順治二年官監



呂熾如贈光祿寺卿鳴夏子順治六年恩廕歷任江西廣信府同知

余瑜禮部儀制司郎中加從四品一元子順治八年官監

山海關誌卷之七終

山海關誌卷之八

人物誌

千里一聖百里一賢才固若斯其難哉然天生人材原不擇地自忠孝節義之大以逮一才一技之微要皆有不可沒者焉兼取而併收之於以激勵人心網維世道且足備觀風問俗者之所考據已誌人物按人物一乘自葛端肅公秉筆後寥寥六十餘槩矣顯生也晚而此中故老傳聞又無可藉手者頃蒐撫數四名宦續得七人鄉賢續得三人洎忠孝節烈若干人並僭為傳畧以補遺敢謂盡是乎哉



宦遊者匪懸車不書里居者匪蓋棺不錄以待論定故也亦徃例則然也

舊誌張公時顯

元按張公續舊誌以為宦遊必待懸車里居必須蓋棺此定例也今照山石誌式以名宦附官職誌除前代外補入

國朝四人皆久經去任輿論共推其見在者雖有徽蹟未便登載至本鄉人物有善行未可泯沒者細書數語於選舉誌各人名下俱係已故亦遵舊式俟後論定酌入鄉賢惟鄉賢俱遵舊誌

國朝呂程二公乃係達院批准入祠者此外未增一人恐冒徇濫之嫌觀者諒之

### 鄉賢

北魏

竇瑗遼西陽樂人仕魏為太常博士從爾朱榮東平葛榮封容城伯乞以封讓兄叔珍得從其請叔珍由是積官至廷尉卿孝武時釋奠開講瑗為摘句累遷至大宗正卿官雖顯要窘素如布衣清操為時所重云

明

劉江本衛總旗驍勇有謀畧洪武末從文廟靖難累



山海關志卷之八  
建殊勲陞中軍都督府左都督永樂中鎮守遼東  
巡視諸島相地形勢請於金州衛之望海塌築城  
堡立烟臺瞭望一日瞭者言寇將至公亟率馬步  
官軍赴塌堡備之翌日倭寇數千乘海艚直逼塌  
下公令犒師秣馬略不為意伏兵山下遣壯士潛  
燒賊船截其歸路乃與衆約曰旗舉砲鳴伏兵奮  
擊不用命者以軍法從事既而賊至舉旗鳴砲伏  
兵盡起繼以兩翼並進賊兵大敗奔櫻桃園空堡  
內追而圍之將士請入堡勦殺不許特開西壁以  
縱之仍分兩翼夾攻生擒數百斬首千餘間有潛

逃走艚者又為壯士所縛無一人得脫事聞勅賜  
褒美封廣寧伯卒贈廣寧侯是後倭寇再不犯遼  
蕭顯字文明別號海釣本衛籍舉進士授兵科給事  
中有武臣連中貴張大邊功希重賞公批奏尾駁  
之直聲振一時有巫矯邪神來京男女爭負土築  
祠公抗章劾奏并禁私創庵觀數事上召至左順  
門命中官面詰公氣定語暢應對了了乃諭遣之  
又數日巫已逐矣權倖相嫉日甚忽中旨左遷邊  
遠鎮寧州同知公方對客作草書閱報付其子趣  
治裝仍終數紙乃罷居鎮寧稍遷衢州府同知又



擢福建按察司僉事所至盡心職業無厭薄意隨以萬壽節入賀上疏竟乞歸公德性醇篤不妄言咲早失怙恃終身孝慕事伯兄甚謹交友尚義氣久而弗渝所著有海釣集鎮寧行稿歸田稿其書法沉着頓挫傳播朝鮮珍為至寶致仕居鄉二十一年踈戚罔有間言至

國朝康熙庚戌督學蔣公超遣本衛代祭其墓

鄭已字克脩本衛籍天性穎敏成童時克庠弟子員屬儷句輒驚人甚窘克意向學寒夜燃薪誦書達旦用是博極群書舉進士選庶吉士時劉文安

公典教習每閱公文輒嘆服改監察御史會廷推撫臣弗當抗章論之又累疏指摘輔臣及中貴由是人多忌公巡按陝西值甘涼諸路連歲災沴邊境驛騷乃上匡時圖治等疏備極剴切得俞旨遂舉賑濟飭邊備時有勲貴人弟怙勢凌下公捕而杖之濱死乃訴公謫戍宣鎮其總兵雅敬公館諸佛宮士人從之受學者日衆有黠卒怨總兵誣以不道事累公繫闕下上白其誣放歸里孝宗踐祚詔復其官公亮節有氣嫉惡如仇家居時談世事不平者輒攘臂憤惋至面詰人罔避以是弗亨於



官至

國朝康熙庚戌督學蔣公超遣本衛代祭其墓

詹榮字仁甫別號角山本衛籍性敏學瞻舉進士授地曹主事奉差權稅廉能有聲轉郎中督大同餉適軍叛殺主帥閉城抗王師官軍不能下公與武臣數輩軟血計誅元惡不成期以闔門報國謀既定遂穴地達軍門報可乃示順逆激勸賊黨馬昇等擒首惡出獻事聞於朝上褒嘉擢光祿少卿歷轉都御史巡撫甘肅時大同總兵周尚文與撫臣左扇議惟公足以服之乃調撫大同公與尚文處得其死力屢以功進右副都御史居二年宗室克灼等通逆公廉得其實先機發之械送京師隨遷兵部右侍郎值雲中有警公率將士堵截退敵召還本兵左侍郎會尚書闕擬陞公適中風輿疾歸未數月卒大都公為人忠信不欺沉毅有謀信賞必罰人爭效用其制伏豪右再平叛逆盖有所本也萬曆己酉孫廷上疏請卹賜祭葬加贈工部尚書至

國朝康熙庚戌督學蔣公超遣本衛代祭其墓

劉復禮字曰仁別號任齋本衛舉人宅心坦易提躬



山陰縣志 卷之八  
五  
謹飭宰長子有異政民留去思刺渾源州以德化  
人有苦井變井之異民為建祠立碑遷冬官卽革  
遵化鐵場之累守保寧郡有回風返火之徵擢岡  
卿駐寧夏預知哮喘拜反嘿為防閑尋以丁艱遂致  
政歷官二十年米榘自守依居舊廬泊如也幼以  
孝聞暮年與季弟同爨每舉箸必呼弟倘他往必  
輟不食季弟有子口授而教之亦登明經科里人  
有修邨者相與質成公譬曉之各愧服其素所取  
信致然平生清而儉簡而有禮無愧古人崇禎戊  
辰申入鄉賢

劉思誠字性之別號定宇本衛舉人英姿卓識廉直  
公平領鄉薦十餘年毫無請託筮仕平原諭編征  
賦設法神速鄰邑咸效法之遇荒多方拯救理訟  
稱平儒學後有深壑數科荒落公為填起建五桂  
祠選有志青衿課業給饌伏臘不輟由是科不乏  
人且多世科貧生有婚葬不舉者捐橐助之招撫  
流民蓋官房百餘間於郊外創立集市墾田十餘  
頃藉以為生方春躬行郊野見有勤農賞之有爭  
家財者勸以孝弟化為和順遷同知守濟上署篆  
年餘吏每請盤庫輒斥之將官支俸糧者以原封



照給不除其耗有盜商犯律以髡貯庫二千稱攀鄉紳餽酒公當堂碎之解入府庫竟無赦當道議派民徭公勃然色變遂寢終以忤貴拂衣歸公事母孝每飯侍側舊產盡讓弟復捐金二百給之弟亦不受雅有德星里風平原有生祠入名宦崇禎戊辰申入鄉賢至

國朝康熙庚戌督學蔣公超遣本衛代祭其墓

蕭大謙字民服別號益齋舍憲顯之孫天資渾樸素履清貞家計屢空微不介意遊成均時曾拾遺金標帖示覓者還之後領鄉薦就選先尹懷仁再歷

秦安耻結納專意實政士民懷其拊字當道恚無餽遺竟取忤罷返里日行李蕭然至不能充食指公處之自如暇輒濡墨攻書或對客吟句年八十有一卒世謂廳事容旋馬薄田供饘粥今昔侈為美談而公歷宦三世草舍僅可旋蝸瘠田尤不充爨者顧不愈稱難耶

馮時泰號虞庭山西汾州人山海籍自幼勤敏好學讀書寒暑不輟刻厲精進以此成進士授冬官郎管節慎庫明於筭數能覈積久未清之弊著聲曹署陞遼東廣寧道兵備叅議守正不阿冰檠矢操



築造臺堡大定老軍凡數十處無不竭盡心力邊  
方有警主帥不用命以致失事公奉旨察勘畧無  
纖隱有忤當事反坐譴條或以苞苴請公徐應曰  
吾蒞官惟清慎二字可揭天日况君父之事烏容  
規避絕不為辭尋以被逮遼民無不稱冤欲詣闕  
號鳴總督顧養謙止之極為公雪有并褫臣職以  
辨其有功無罪等語具載疏中趙相志臯張相位  
石司馬星交章激切力諍竟不白公嘗自嘆曰由  
來直道忤當權過貶潮陽路八千一掬忠肝天所  
鑒幾回血淚洒蠻烟居無何抱鬱以終至

國朝康熙庚戌督學蔣公超遣本衛代祭其墓

劉廷宣字化卿號方壺晚號木菴贈卿思誠子丰神  
清穎蘆直警識由進士筮仕儀封勵學宮恤鰥寡  
課農桑勸孝弟黃河汎濫公淪治之獲名田幾萬  
畝民賴以蘇輸稅正供之外毫無所增訟者自拘  
不判贖鍰設保甲法萑苻漸而荷杵一切無名科  
派省民鏹不下巨萬欽取浙江道御史彈章不避  
中貴奏魏忠賢蠹國十四款章經通政司霍維華  
以年誼對使焚云何為起此大釁公不先楊左而  
摧虎喙者幾希耳出巡陝西復命轉大理丞尋因



山海關志 卷之八  
母老請告終養以本寺左少卿埽歲甲戌公病卒  
卒之冬推巡撫聞於上遣永平府知府諭祭

詹廷字忠卿別號紹山尚書榮之孫由庠生補恩廕  
筮仕南通政幕以吏才著陞順天別駕廉能有聲  
晉南北部主事遷本部郎中繼領雲南廣南守時  
奢酋叛滇南一帶搖動公赴任被圍賊脅降至再  
公誓以全家殉賊揣公志不奪少縱閱月得乘間  
出遂達省請各上臺備陳賊形及守禦之策捐俸  
助軍需二載多善政除衙蠹設木役愛民育士冰  
檠自如寬猛適濟奏最日公輿病歸廣郡士民爭

負土祠公未數月卒於荊州公端正謹厚忠孝持  
身繪像滇南推賢畿左良不誣也

### 國朝

呂鳴夏字九三本衛籍天性孝友有弟鳴雲沒於王  
事遺藐孤幼呱撫訓成立婚娶遊庠與論夙重之  
由鄉薦筮仕清豐諭補東鹿所在勸課有法陞真  
定貳府駐宣鎮以抗直取忤掛冠歸明末寇逼關  
門公時家居從平西王舉義殲寇錄功起補衛輝  
府太守維時天下初定拊安百姓有善政績最遷  
陝西固原道兵備甫下車值叛將武大定等謀逆



變起倉卒以兵脅公不為屈且歷數其罪罵不絕口遂遇害事聞贈光祿寺卿廕一子造墳安葬以酬其忠云

程繼賢號敬庵本衛籍以太學生初授中書舍人歷任尚寶司卿封朝議大夫從四品服俸公行四奉事二親不諉諸兄父享壽百歲具奏建坊鄉人稱孝完長兄之產撫三兄之子極盡弟道有舊好戶曹郎鄧公承簡粵西人也以事羈京師八年公每濟其乏久而不厭後病沒為具棺殮覓人送歸其鄉一友人曾為錢法督理者以三千金密令人夜

送至寓公下邑拒之又曲為之地復用善言相沮面陳利害未幾事果敗衆服其識明操潔而且不負所知也本衛設有均徭銀兩每歲僉派催頭大為民擾公為陳諸當事力除其弊鄉人感悅年踰七十旬見後生雖童穉輩亦恂恂下濟絕無挾長態以此鄉人咸稱為長者歲甲申守官都門不臣服於李逆捶幾至死後僑寓天津遇土寇忽起犯公公不少屈竟遇害鄉人痛惜之順治庚子闔學公呈轉申入祠奉祀

忠臣



明

張世忠字顯甫別號平山公貌不逾中人而神爽英  
發總髮時以世胄育膠庠隨襲副千戶廕會武試  
登孫堪榜加授署指揮僉事尋掌衛篆有清幹聲  
遷秩守備天壽山歷陞山西大同中路叅將嚴整  
步伍矢立戰功會調應援有奇捷聞上得實授正  
千戶偶緣邊事掛誤聽勅回籍未幾西陲告急本  
兵疏名上請特命移守偏頭關關兵頻年失利人  
為公危之公躍然曰此吾報國之秋也嘉靖二十  
一年太原有警公與同事者分五哨進軟盟互援  
適遇蒙古兵於六支村公麾下健卒僅千人挺身  
血戰自己至酉矢石俱盡後援不至敵且增輕騎  
合圍射中公額尋殪其馬公猶跨墻對射矢透公  
衣袖死之事聞上憫悼賜祭葬贈右都督謚忠愍  
六支村山海關俱准建祠享祀

李國梁本衛指揮體貌豐偉膂力絕倫萬曆間從杜  
將軍松出塞與

大清兵渾河大戰沒於陣以功加陞都指揮僉事子  
鳴崗襲廕

邊萬里本衛百戶以都司管中軍事崇禎己巳入衛



京師行至薊州五里橋適

大清兵掩至據橋大戰自未至酉身被重圍力戰死  
呂鳴雲本衛舉人鳴夏弟武健材勇以守備為揚武  
營中軍崇禎庚午守永平城破戰死追贈遊擊將  
軍

楊開泰本衛百戶永平失守泰以本路把總率兵偵  
探至榆關西遇

大清兵至對射良久衆寡不敵死之

楊廷棟本衛百戶少以勇力稱為揚武營千總共守  
永平城破猶燃砲奮擊究不能支死之

蔡國勳本衛千戶率兵復遵化偵探遇

大清兵至奮勇直前戰沒於陣閣部孫公承宗題卹  
贈指揮僉事

嚴大寬本衛千戶從總兵趙率教應援遵化遇

大清兵與戰時主帥亡衆潰大寬猶力戰不退死之  
楊呈芳字桂林本衛籍由恩拔授魯山令丰容偉幹  
居官平易時土寇蜂起與衙胥結通公知事不克  
濟冠帶坐堂上賊環侍不忍加害出入數四始戕  
之為具棺斂停喪後其弟往收其屍經年啟視面  
貌如生事聞追贈汝州知州



國朝

馬維熙字天御本衛籍由拔貢錄功授忻州同知署偏關西糧廳篆值姜鏤之變山右一帶搖動偏關闔城從叛圍公一所遣人守伺久之知不可屈遂加害事平具

聞贈秩忻州知州

孝子

明

張雲鵬本衛人父病夜不假寐湯藥親嘗父沒喪敦古禮廬墓三年

趙文舉本衛人幼極孝母病疽痛不可忍醫皆云不治祝天願代日自所居三步一拜至神廟焚香祈其母壽家甚窘供母具即富者不過云

蕭韶鳳本衛人十九歲父病蠱迎醫視之曰得樟柳木根可愈城中求之不獲或告以產於海陽時石河水瀑漲不可渡韶直前往覓家人止之泣曰父病篤阻水而止於心忍乎竟涉至中流溺死三日尸浮海上聞者無不酸鼻

張懋勳都督世忠子也痛父歿於王事每語及輒流涕事孀母三十餘年孝養備至母卒哀毀骨立廬



於墓側躬負土成塚暑雨祈寒不輟終制後鄉人相率迎歸當道屢旌其門

傅夢良庠增生性純篤與兄炤事母孝母歿哀毀如柴既葬皆欲廬墓良曰兄弟共廬墓則妻子安依不如兄在家養眷屬弟代兄行炤雖允之猶哭奠於靈牀前日三次終喪不懈良廬墓側穴居負土築墳晨昏哭泣秋夏霖雨累日夜穴水盈尺幾無生服闋還家逆行五步一拜哭盡哀兄亦陪弟逆行拜哭紳衿親友郊迎上官旌表其門

穆思文衛庠生事繼母孝曲盡子騫之節有二弟俱

繼母出財產均分後二弟家計寒窘又為弟之子給產婚娶提督學政汪公應元題請建坊曰孝義王士侗衛庠生敦樸周慎天性孝友父從政知山東萊陽縣以持正忤當事被誣繫獄士侗偕弟士偉過登聞鼓劾頸力救卒白父寃鄉人翕然稱之上臺屢旌其門

穆大任衛庠生至性純篤父早逝事母以孝聞母沒躬廬墓側負土成塚值兵變鄉民居村落者皆入城走避大任獨守墓不忍去後終三年之制士庶相率迎歸



節烈

明

黃氏女諱妙宣年十七許嫁里人龍昇屆十九未婚而昇物故女聞訃哀慟不食久之有求聘者女不可父母強之則以死誓後知其不可奪乃止侍親左右極孝敬飲食衣澣皆出其手族叔嬸俱亡遺三尺孤時為撫養且教之成立年踰七旬顏髮如童天挺之節未易得也

趙烈女一片石軍人趙來住之女年十六未字一日父母俱出鄰有惡少樓之女且罵且毆母歸哭訴

求自盡因防守不獲既三日詒其母曰若盡往理煤母出遂闔門就縊里人白於當道為之立碑以旌詳見碑記

張氏張千戶女為李百戶長男昇之婦昇之病死尚未抱子晨夕哀慟見者感動舅姑必強之嫁七日自縊死遠近聞之爭墮淚

郭氏生員何志道妻夫卒郭氏年二十有四舅姑子女俱無父母憐其子處取歸養之諷以別醮誓不可屢強之佯許曰即改嫁須還何門及至門痛哭竟日自縊死部使商公誥特表其門



田氏衛千戶劉世龍妻監生田路女也世龍守界嶺口遇敵陣亡時田氏年二十九兼無舅姑子女矢死靡他至八十七而終孀居五十八年備嘗艱苦部使商公誥旌之

蕭氏生員張雲鶚妻父蕭大壯亦遊庠鶚卒蕭氏年二十有六遺子重立甫五歲室如懸磬苦心撫育竟薦鄉書重立又卒遺妻王氏及孤子三人蕭復艱苦共守後諸孫長並攻儒業年七十五而終部使孟公秋有旌匾

林氏衛卒羅榮妻義官林聰女年二十七值榮死家

貧子幼苦志自守卒時九十有六孀居六十九年世所罕有

郭氏朱澄之妻父郭洪係舍人澄卒郭年纔二十二且無子甘守孤貧享年八十卒含荼近六十秋其節尤苦

倪氏監生樂養義妻養義亡倪年僅二十四生二子苦心訓育長武脩次文庠俱成立誓不二醮享年八十卒巡撫李公頤批准具題道府衛學俱有旌匾

張氏劉復初妻撫寧張畋女也夫卒年二十七僅一



女語及改適輒慚憤孝養其姑無違禮五十二歲而終

王氏衛庠生施允宸之妻年二十六遭夫蚤逝家貧上無舅姑下無子息苦勵三十餘年壽近六旬終韓氏千戶高世勳妻父韓希文亦千戶勳沒韓氏二十六生子方懷抱韓堅志撫之當子尚忠世其職時韓氏壽已七十歲

劉氏千戶洪大金妻年二十夫故家徒壁立遺二週孤子貞苦節以待未亡撫孱弱以迄成立六十餘年冰操玉節鄉評欽重

劉氏太學生蕭被遠妻罔鄉復禮女二十八被遠故子女俱無孤守四十餘年閨門不出笑言必謹代巡吳公阿衡旌其門

林氏庠生程繼中妻年二十六夫沒引刀欲殉毀容斷髮吳代巡阿衡旌其門後享壽七十二而終

羅氏庠生鄭廷獻妻二十有二而獻死遺一子守節不渝子允升遊庠補廩而羅已老吳代巡旌之唐氏生員馮九鼎妻年僅及十九歲夫故子方六月艱苦自守誓不他適壽四十七而終鄉人哀之

魏氏已故指揮李宗堯妻年二十五夫故無嗣守節



六十年清節貞志取重鄉評屢經院道旌表

王氏庠生蕭裕遠妻知縣從政女也三十而裕遠沒遺一女孤守無他志動循家法老年而終吳代巡旌其門

魯氏儒士穆齊崙妻介性堅貞十六歲崙沒僅遺一子魯當夫沒即欲就殉為子而留剪髮營葬孤苦四十餘年內外無間

郭氏係庠生李養士妻年二十六夫故子方六歲貧苦自守以針工自給六十九而卒

周氏故民韓國禎妻少嫠幼孤斷火絕粒日攻針工撫子有成苦節之稱最者

郭氏衛民徐承恩妻夫病沒時年二十一歲子方週葬夫之日臨穴欲死舅姑親戚力止方已苦守三十餘年壽五十二告終

張氏儒士辛棟隆妻夫故時張方二十一家甚貧止遺一子尚弱侍養姑舅營女紅以博升斗課子遊庠吳按院旌其門

楊氏已故生員張翹妻翹故孝廉重立季子也孝廉早逝孀姑王氏在堂時楊年二十歲守孤子四歲庭閒無依室如懸罄不辭貧窶孝姑教子矢志柏



舟祖姑孫婦三世俱以節聞

孫氏已故廩生蕭行遠妻年二十以室女繼醮行遠克執婦道慮夫無嗣脫珥置媵未育遭夫故伶仃靡倚孤守四十年臨終幾無殮者

郭氏已故儒士譚有臨妻年二十而夫故誓死殉夫幸慈姑多方撫慰鞠養週歲呱兒冰霜苦守四十餘年子成立始病故

范氏千戶張守誠妻夫故幾欲捐生篤志孤守賴針工以自給允稱苦節

陳氏係鎮標內丁馬如麒之妻麒從鎮將追勦叛兵卸甲中風死陳聞變誓以身殉時年二十五有子方四歲比麒柩到關停住北門外陳即廬居柩傍伏哭三晝夜目不暇食不進孀姑勸以撫孤乃謂姑曰若非爾子耶二十六歲尚不能事姑以終天年此筑筑者又何恃焉遂棄決不復顧乘間自縊死

國朝

穆氏衛民李天祚妻年方二十六住居盛水莊離城八里許順治元年聞賊寇關天祚送妹進城賊兵忽至欲見逼穆怒罵不從抱女投井而死



王氏生員郭聲遠妻娶三載夫故甫十九歲生子未過一週矢志靡他。勇姑以孝聞壽六十終儒學訓導署教授王曄據闔學轉文旌獎。

郭氏衛民蕭之高妻年二十九歲夫遽逝有遺腹子撫養成立入泮水節自矢壽登七十二歲身故。

徐氏生員郭重發妻夫沒孀居年方二十六歲無子止依一女苦守幾五十年壽七十五告終儒學訓導署教授王曄據闔學轉文旌獎。

李氏生員郭重美妻美沒之時李方二十八歲有子二人長六歲次四歲長子遊泮又故次子幼貧止。

以針工度日至七十一歲身歿。

潘氏衛民王爾勤妻夫沒時二十一歲遺孤未週撫育艱苦立志不移子長遊榆庠食餼見今年已七十六。

穆氏係廩生劉廷鞏妻年二十九歲夫故無子盡婦道以事孀姑撫三女以勤織紝苦守幾五十年今年已七十四歲。

王氏衛民譚有章妻二十三歲夫故遺孤甫三歲泣訴翁姑前誓死殉。不幸數年間翁姑相繼俱逝家業中落攻女紅以課孤子弘道成諸生艱苦自



茹幾五十年今壽七十有三髮烏齒固耳目聰明  
手足強健或亦苦節之報云

曹氏衛民劉世名妻夫亡曹二十七歲遺孤方四歲  
立志守節終身不二子長遊榆庠今七十三歲

郭氏廩生劉秉乾妻庠生郭強遠之女也適乾僅三  
載夫故無子郭年十九歲二親景暮一女襁褓家  
貧織紵養親撫女曲盡慈孝女甫及笄又卒孤孀  
茹荼迄今五十餘年初終無間可謂節孝雙全者  
穆氏衛人趙夢輻妻年二十九夫故家寒性儉事孀  
姑親操井臼周旋盡道一子甫二歲延師教之早

遊泮苦守三十餘年教子持家堪為閨範

林氏本衛人魏士翰妻二十七歲夫故家貧止守一  
子苦節自其今壽八十歲

馮氏庠生任嘉彥妻夫喪逝年二十九二子俱幼撫  
養維艱矢志苦守迄今五十七歲

穆氏庠生王欽明之妻年方二十七良人捐館上無  
公姑下無子息孀孤嫠柏舟是矢又能禮妯娌  
之孀居者不啻同胞姊妹相與茹苦度日見年五  
十有九

董氏係生員程體觀妻年二十九歲夫故止餘一子



尚幼勵志苦守教子遊庠終身無二見壽五十七歲

何氏衛民蕭升妻夫沒年二十七子方七歲敦節自守誓無二志與姑郭氏並慕柏舟之節今壽五十五歲

蔡氏監生呂煥如妻夫故蔡年二十一歲遺子甫週矢志靡他家徒四壁艱苦備嘗教子業儒訓育成  
人奉姑嫜以孝聞本衛司篆王公御春有旌匾  
董氏監生郭進妻進沒董方二十七歲無嗣其守見  
今五十七歲

朱氏係庠生馮騰蛟妻二十七歲夫故子幼與姑詹氏同守孀節貧苦自其迄今五十五歲

流寓

明

魯紹芳浙江餘姚人秉性清恬積學有蘊藉萬曆初年因祖戍山海就而赴試時功令嚴禁冒籍先生以義命自安設教關門以戴禮專業榆庠之有禮經自此始多士蔚起群出其門



方技

劉冠原籍河南儀封人祖浩從明太祖取張士誠有  
偵功授都指揮不受願就醫籍隨武寧王調理軍  
士遂家山海冠為醫不輕試藥餌預知吉凶時主  
政鄔公閱艱嗣寵姬多人內有孕者嘗以疾求診  
脉冠曰請以麵盤印手印訖冠曰此非病乃喜兆  
也主生男後果驗詹大司馬家居病痰一醫自京



法華經 卷之八  
來邀冠相陪冠一見即告司馬曰亟送回此醫公  
疾無恙司馬然而送之至潞河驛醫為馬軼殞死  
所斷不爽諸如此類難以縷指號為神醫

仙釋

馬真一自稱河南人年一百八十歲昔在華山學道  
明崇禎初年入廣寧居北鎮廟採蘑菇拾野菜為  
食時寧前大旱經畧袁公使人致至祈雨次日其  
霖大降因舉止踈放語言狂率袁公疑為妖異羈  
居山海官師咸重之關道梁公尤加親洽與談休  
咎皆應關門士子相與趨造談經論藝剖抉如流  
飲食不拘葷素多寡隨便取足詼諧之中每成識  
兆然踪跡無常人不能測厥後不知所之



圖





